

Mirgoota Bu'uraa Fayyadamtoota Wiirtuu Wal'aansa Baqaqsanii Hodhuu Yeroo Gabaabaa Bulchiinsa Mineesootaa

Tumaa SeeraIttiin Bulmaataa Bulchiinsa Mineesootaa 2004

144.651 Dhukkubsattoota fi raawwattoota kenniinsa tajaajila fayyaa;mirgoota bu'uraa

Qaamota Kutaalee 1. **Kaayyoo tumamuu seera.** Kaayyoon seera tumamee fi gaheen kutaa kanaa fedhii fi nageenyummaa dhukkubsattootaa fi raawwattoota kunuunsa fayyaa cimsuufi. Tajaajilli fayyaa kamiyyuu, dhukkubsataas ta'ee raawwataa tajaajila fayyaa, fayyadamtoota tajaajilaa taasisuuf, morgoota kanneen irraa daangessuu hin barbaachisu. Namni dhukkubsatichaaf itti dhiyeenyaan eegumsa taasisu yookan raawwataan tajaajila fayyaa, yookan bakka namni dhukkubsataa dhiyeenyaan hordofu hin jirretti namni fedhii qabu biroo, bakka dhukkubsataa fi raawwataa fayyaa bu'eemirgoonni kunneen akka kabajamaniif gaaffachuu ni danda'a. Dhukkubsattoota namoota itti dhiyeenyaan isaan eeguuf qaama bulchiinsaa yookan haqaa irraa eeyyama seera qabeessa qaban, yookan raawwattoota kenniinsa tajaajila fayyaa, bakka bu'uudhaan namni fadhill qabu kamiyyuu mirgoonni kunneen akka kabajamaniif gaafachuu ni danda'a. Hojii gaariif hanga ta'etti, raawwiin hojiirra olmaa tajaajila kunuunsa fayyaa, haala yaada nama itti dhiyeenyaan hordofuu ilaalcha keessa galcheen gaggeeffamuu danda'a. Kaayyoon kutaa kanaa, dhukkubsataan kamiyyuu filannoowwan jiran beekuu fi murteewwan dhuunfaa isaa dabarfachuu dabalatee, mirgi bilisummaa amantaa fi hawaasummaa isaa haala hin cabnetti, hanga danda'ametti mirgoonni kunneen akka hojiirra oolaniifi.

Ibsawan

Qaamota Kutaalee 2. **Ibsawan.** Hiikkoon "dhukkubsataa" jedhuu fi qaamota kutaalee lakkofsa 4 hanga 9, 12,13,15,16, fi 18 hanga 20 tti jiruu kan agarsiisu, wiirtuu wal'aansa baqaqsanii hodhuu yeroo gabaabaatti nama tajaajilawwan kunuunsa fayyaa fudhatuufi.

Qaamota Kutaalee 4. **Odeeffannoo mirgootaa.** Tajaajilamtooni wal'aansa argachuuf jedhan, tajaajila argatan keessattidhiyeessichi fayyaa, tajaajila fayyaa hawaasaa kennamuu yookan turmaata wal'aansaa hunda keessatti eegumsi mirgootaa seera qabeessa ta'an akka jiran, mirgoonni kutaa kana keessatti qabatamaan raawwachuu danda'anii fi barreeffamaan jiran akka argaman tajaajilichi yeroo jalqabuuf jedhutti itti himamuu qaba. Namoota waliigaluu irratti hanqina qabani fi namoota Afaan Ingiliziitiin ala dubbataniif bifa amansiisaa ta'een haalli itti hubannoo argatan mijawuu qaba. Imaammanniwwan tataajilaa wayitaawaa, argannoowwan qorannoo oggansa fayyaa naannawaa fi bulchiinsaa, fi ibsiwwan mirgootaa biroo barreeffamaan jiran, dhukkubsattootaaf, namoota dhukkubsattootatti dhiyeenyaan eeganiif, yookan bakka bu'oota isaanii oggansa yookan miseensa biroo ramadameen, akkaataa Boqonnaa 13, Seera Qabiinsa Ragaa Bulchiinsaa, fi kutaa 626.557, haala ga'eessota miidhamaniin walqabateen jiru dhukkubsattootaaf dhiyaachuu qabaata.

Qaamota Kutaalee 5. **Naamusaan keessummaayuu.** Dhukkubsattooni qaxaramtoota yookan namoota tajaajila kunuunsa fayyaa kennaniin naamusaan qabamuu fi eenyummaan isaanii kabajamuuf mirga qabu.



Qaamota Kutaalee 6. **Tajaajila fayyaa gahuumsa qabu.** Fedhii dhuunfaa bu'ureeffachuudhaan, dhukkubsattoonni, kunuunsa dhuunfaa fi wal'aansa fayyaa gahuumsa qabu argachuuf mirga ni qabaatu.

Qaamota Kutaalee 7. **Eenyummaa ogeessa fayyaa.** Maqaan, teessoon hojii, lakkooftsi bilbilaa, ogummaan ittiinbeekamtii fi kanneen biroo ogeessicha fayyaa tajaajilicha qindeessuu dhukkubsattootaan beekamuu yookan barreefafamaan kennamuufii qaba. Waantonni wal'aansicha keessatti akka raawwatamaniif hin gorfamne, akkaatuma ogeessi wal'aansicha hordofu gal mee dhukkubsataa keessatti qabuun, odeeffannoowwan jiran, nama dhukkubsataa dhiyeenyaan eeguuf yookan nama bira a bakkab'uu ramadameef kennamuu qaba.

Qaamota Kutaalee 8. **Walitti-dhufeenya tajaajilawwan fayyaa biro waliin jiru.**

Dhukkubsattoonni tajaajilawwan qaama alaa irraa argatan, gaaffii dhiyaatuun, eenyuummaan qaama dhiyeessuu itti himamuu qabaata. Odeeffannoon kennamu maqaa, teessoo, fi ibsa tajaajila qaama tajaajila alaa dhiyeessuu qabaachuu qaba. Waantonni wal'aansicha keessatti akka raawwatamaniif hin gorfamne, akkaatuma ogeessi wal'aansicha hordofu gal mee dhukkubsataa keessatti qabuun, odeeffannoowwan jiran, nama dhukkubsataa dhiyeenyaan eeguuf yookan nama bira a dhukkubsataadhaan bakka akka bu'uuf ramadameef kennamuu qaba.

Qaamota Kutaalee 9. **Odeeffanno waa'ee wal'aansaa.** Dhukkubsattoonni, bu'aa qorannoo dhukkubichaa, wal'aansa, filannoowwan, balaawan, fi raaga haala fuula duraa isaanii irratti odeeffanno wayitaawaa fi guutuu ta'e ogeessa fayyaaisaanii irraa argachuuf qabaatu. Odeeffannoon kun haala fi afaan dhukkubsatichi ittiin hubachuu danda'a jedhamee amanamuun ta'uu qaba. Dhukkubsattoonni miseensa maatii isaanii yookan nama biroo bakka bu'uu danda'uun hordofamuu danda'u. Odeeffannoon kun wal'aansi fi filannoowwan jiran, dhimmootafayyaa fi xiinsammuu hordofsiisuu danda'an, qabaachuu qaba. Waantonni wal'aansicha keessatti akka raawwatamaniif hin gorfamne yoo jiraatan, akkaatuma ogeessi wal'aansicha hordofu gal mee dhukkubsataa keessatti qabuun, odeeffannoowwan jiran, nama dhukkubsataa dhiyeenyaan eeguuf yookan nama bira a bakkab'uu ramadameef kennamuu qaba. Namoonni odeeffanno kana diduuf mirga ni qabu.

Namni kaansarii harmaatiin qabame hundi wal'aansicha jalqabuudhaan dura yookan yeroo wal'aansichi jalqabuuf jedhutti yookan yeroo turmaataa ishee keessatti, wal'aansa baqaqsanii hodhuu, raadiyoolojii (radiology), yookan keemooteeraappii (chemotherapy) yookan wal'aansawwan biroo walta'iinsaan kennamanii fi balaawan filannoowwan hundi qabaachuu danda'an dabalatee, filannoowwan wal'aansaa bu'a qabeessa ta'an biroo jiraniifi ogeessichi hubachiisuu danda'u irratti odeeffanno guutuu argachuuf qabdi.

Qaamota Kutaalee 12. **Mirga kunuunsa diduu.** Odeeffanno qaama kutaa 9 irratti taa'e bu'ureeffachuudhaan dhukkubsataan gahuumsa qabu mirga wal'aansa diduu ni qabaata. Yoo dhukkubsatichi haala jiru hubachuu kan hin dandeenye ta'ee garuu akka gahuumsa hin qabne qaama seeraatiin akka deeggarsa barbaadu murtaa'ee hin jiru yoo ta'e, yookan yoo ulaagaaleen seeraa mirga diduu isaa kan daangessan ta'e, haalliwyan waliigalaa jiran bifaa guutuu ta'een ogeessicha fayyaatiin gal mee wal'aansa namichaa keessatti kaayamuu qabu.



Qaamota Kutaalee 13. **Yaaliiwwan qorannoo.** Dhukkubsatichi yaalii qorannoo irratti hirmaachuu isaatiin dura odeeaffannoon eyyamaa, barreeffamaan kennamuun dirqama. Dhukkubsattooni mirga hirmaachuu diduu ni qabaatu. Eyyamnis ta'ee diddaan gal mee wal'aansaa dhuunfaa keessatti qabamuu qabaata.

Qaamota Kutaalee 15. **Iciti eeguu wal'aansaa.** Akkatuma sagantaa fayyaa fi kunuunsa dhuunfaa isaaniitti, dhukkubsattooni mirga kabajamuu fi icitiin isaanii eegamuu ni qabaatu. Dhimmootni marii, gorsi, qoranno, fi wal'aansi icitummaa isaanii bifa eegamee fi haala mufannaah hin uumneen gaggeeffamuu qabu. Yeroo manni fincaanii fayyadamu, qaamni dhiqatamutti, fi sochiiwwan qulquolina dhuunfaa gaggeeffamanitti, yoo nageenyummaa fi deeggarsaaf namni barbaachiseen ala qofaaf icitiin dhimma bayachuun kabajamuu qaba.

Qaamota Kutaalee 16. **Icitiin qabamuu galmeewwanii.** Ragaawan dhuunfaa isaanii fi wal'aansa isaanii icitiin qabamuu isaanii dabalatee, ragaawanisaanii nama biraa kunuunsichaan ala jiraniif kennuu fi diduuf kan danda'an ta'uusaa dhukkubsattootaaf mirkanaa'uu qaba. Garagalchi galmeewwanii fi odeeaffannoowwan barreeffamaa galmicha keessa jiran haala qaama fi kutaa [144.335](#) tiin argamuu qabaata. Mirgoonni kunneen gamaaggamaa fi qorannoo komii Bulchiinsa Damee Fayyaa, raawwii waliigaltee kaffaltiitiif qaama sadaffaan gaafatamu, yookan haalawan ajaja seeraa irratti hojiirra kan oolan hinta'u.

Qaamota Kutaalee 18. **Tajaajila deebii kennuu.** Dhukkubsattooni gaaffii fi fedhiin isaanii bifa barbaadamuu fi amansiisaa ta'een deebii akka argatuuf mirga ni qabaatu.

Qaamota Kutaalee 19. **Iciti dhuunfaa.** Dhukkubsattooni, haala hawaasummaa, amantaa fi xiinsammuu isaanii waliin walmadaaluun, tokkoon tokkoon icitiawan dhuunfaa isaanii, eenyummaa isaanii fi mallattonaadaa isaanii gatii akka qabaataniif mirga ni qabaatu. Hojjattooni dhiyeessa tajaajilaa iciti kutaa raawwataa tajaajila fayyaatiif kabaja kennuuf seenuun dura, yoo balaa tasaa fi bifa amansiisaa ta'een barbaachiseen ala, balbala rurrukutuudhaan eeyyamsiisuu qaba.

Qaamota Kutaalee 20. **Komii.** Dhukkubsattooni, akka dhukkubsattootaa fi lammileetti, turmaata tajaajila isaanii yookan adeemsa wal'aansaa isaanii keessatti, mirgoota isaanii akka beekanii fi akka itti fayyadamaniiif deeggaramuu fi jajjabeeffamuu qabu. Dhukkubsattooni dhiphina, dhiibbaa, dirqisiifamuu, loogii, yookan haaloo bayamuu, akkasumas, sodaa tajaajila mulqamuu irraa bilisa ta'anii komii isaanii dhageessifachuu fi imaammannii fi tajaajilli akka jijiiramuuf hojjattoota tajaajilaa fi qaama biraa barbaadaniif yaadakennuu danda'u. Beeksisti adeemsa komii dhiyeeffachuu kenniinsa tajaajilichaa yookan sagantichaa, akkasumas, teessoon fi lakkofsi bilbilaa Wajjira Keessummeessaa Komii Tajaajila Fayyaa fi abbagar wal'aansa manaa naannawaa akkaataa Seera Moofaa Ameerikaa kutaa 307(a)(12)tti, bakka salphaatti argamuu danda'utti maxxansamuu qaba.

Komiiwan tajaajila wal'aansa baqaqsanii hodhuu yeroo gabaabaa guyyaa tokko hin caalle kutaa [144.691](#) fi komiiwan eegumsa fayyaa hawaasaa kutaa 62D.11 waliin dhiyaatan, adeemsa dhiyeessa komii keessaa barreeffamaa akka ta'etti amanama.



**EJENSICHA YOOKAN NAMA TAJAAJILAWWAN BAQAQSANII HODHUU YEROO
GABAABAA GUYYAA TOKKO HIN CAALLE KANA ISINIIF DHIYEESSU IRRATTI
KOMII YOO QABAATTAN BILBILUU, BARREESSUU, YOOKAN BULCHIINSA
MINESOOTAA DAMEE FAYYAATTI, WAJJIRA KEESUMMEESSAA KOMII
TAJAAJILA FAYYAATTI QAAMAANARGAMUUNDHIYEFFACHUU DANDEESSU.
ABBAGAAR TAJAAJILA YEROO DHEERAAS QUNNAMUU NI DANDEESSU.**

**Waajjira Iyyannoowwan Tajaajila Fayyaa
(Office of Health Facility Complaints)**

(651) 201-4201

1-800-369-7994

Faaksii: (651) 281-9796

Sanduuqa Poostaa:

Minnesota Department of Health

Office of Health Facility Complaints

85 East Seventh Place, Suite 300

P.O. Box 64970

St. Paul, Minnesota 55164-0970

**Kunuunsa Yeroo Dheeraatiif Abbagaar
(Ombudsman for Long-Term Care)**

(651) 431-2555

1-800-657-3591

Faaksii: (651) 431-7452

Sanduuqa Poostaa:

Ombudsman for Long-Term Care

PO Box 64971

St. Paul, MN 55164-0971

